

Hāhaere 'e mata'ita'i i tō 'oe 'oire.


I te mahana pae 20 nō novema 2020, 'ua fa'aoti te mau tamari'i o te tūha'a 3 e tā'ai Fa'a'eta'etara'a tino, Ihi anoa henua 'e Pāpa'aparau i te fa'anahora'a « Haere nō tō 'oe ea ». I te hora 7 ma'iri 40 miniti, 'ua haere te mau tamari'i, arata'ihia e te 'orometua Jonas, i te marae Ra'aiva, i te fenua Tau'araufara 'e tae atu i te tura pape huiratira tahito, 'o Manuhitirere, o tei fa'a'āpīhia. 'E 'āfaro roa atu i te « Marina ».

I muri mai, 'ua nā ni'a atu mātou i te fenua ra Farahinano nō te tāpae atu i te 'ōtu'e Perekahu, i reira ho'i i ha'amauhia ai te marae Raihoro, 'e i teie mahana, e vāhi purera'a ia nā te mau tātorita. Ua māta'itai mātou e 2 umu tahito i fa'a'ohipahia ana e te huiratira i ni'a i te fenua Fanomate 'e te fenua Maumau'uru.

'Ua haere roa atu mātou i te fare purera'a porotetani nō te fa'afa'aea 'e nō te 'amu'amu. Te 'ōfa'i o Jeanne d'Arc, te vai Vaitaripo, fa'aru'ara'a pehu i teienei, te vāhi hopura'a o te tamāhine huiari'i Te'arevahine pi'ihia Te pori o Ra'iroa 'o te hope'ara'a ia o tā mātou haerera'a.

'Ua 'oa'oa roa te mau tamari'i i te haerera'a i rāpae i te piha ha'api'ira'a e mata'ita'i i tō rātou 'oire.

CM1/CM2 TIPANIER



Source : Google earth



Marae tahito RA'AIVA i TAU'ARAU FARA. Hō'ē ana'e 'ōfa'i e toe ra i teie mahana i ni'a i teie marae.



Te tura pape huirā'atira tahito MANUHITIRERE i TAU'ARAU FARA. I reira ho'i te huirā'atira e ti'i ai i te pape.



'Ua hāmanihia Te « Marina » o Avatoru i ni'a i te hō'ē fenua rahi i fa'aīhia.

Tē vai ra i roto i teie fare iti hō'ē mātini fāito nanura'a miti 'e 'are.



Te 'ōtu'e Pehau 'e te uāhu o Avatoru i muri mai. Teie roto mātou i te 'āua o te fare purera'a tātorita i reira ho'i i ha'amauhia ai i ma'iri a'e nei te marae rahi Raihoro.



Nā umu huirā'atira tahito o te 'oire o Avatoru.
I mūta'a iho ra, e tunuhia ana ho'i te faraoa 'e te tahi atu mau mā'a i roto teie nau umu.



E mea ti'a ihoā 'ia fa'afa'aea ri'i !

Hōho'a : Mereata. C et Poehina.T
Hurira'a nā roto i te reo : ARAKINO Christine